

55638
0422

v.17

丘墓文

記言別集

卷之五

五
五
一



記言別集卷之十七

丘墓文

贈左贊成金公神道碑銘

公諱俊龍字秀夫姓金氏本新羅留裔也高麗
時有吏部尚書巨公賜食邑原州封原城伯子
孫遂為原州人原州之金始此其世多達人顯
者入本朝有元度公暎五世有節度使末孫
與朴節度英齊名為友當時有擢用臺省之議
已卯諸人敗而不果於公為高祖曾祖諱安祐
少有名譽早世不成追贈左贊成祖諱瑛以

言身集卷之十一
典設司別坐追 贈吏曹叅判父諱斗南 昭

敬時名人以治行高第貴八十九以大年至同
中樞母貞夫人金海金氏潭陽都護府使諱希
弼之女也公魁偉自為兒戲已不與兒芽見
者皆期以遠大萬曆三十六年我一昭敬王四
十一年公二十三以武科發身為宣 傳官又
以觀武才壯元陞訓練主簿為法聖水軍萬戶
二十八為馬梁僉節制使以能陞折衝為仁同
都護府使二年改榮川郡守無助防將及光海
廢而四方無紀 上分遣繡衣察諸郡縣不法

公特以治理 賜表裏其明年遷北道兵馬虞
侯冬移會寧都護府使又以多績 賜表裏以
賞之仁同會寧皆有政清碑百姓追思不已天
啓八年我 仁廟六年公四十三為西海節度
使尋適冬為中和都護府使一年為嶺南節度
使三年以折衝擢拜北道節度使公出入北關
前後十年威名已著軍吏士大悅三年貞夫人
卒公已五十居廬三年哭泣幾滅性既除喪為
畿輔右防禦使仍為湖南節度使其冬虜大舉
攻我入我境三日先驅已薄 國都 上急出

幸南漢大兵繼至南漢受圍虜勢盛強召兵日
急公即起營下親兵行収郡縣兵勤王遠斥候
整戎卒師行有律虜遊騎四出亦觀望而已不
敢逼至稷山湖西兵在竹山虜攻之甚急體察
從事杜筵欲先救竹山公言勤王之急不從也
受命十三日至龍仁光教山據險而陣諸勤
王之師皆已敗沒湖南兵獨專薄南漢以為聲
勢出勁兵擊破虜遊騎斬馘甚多虜患之合蒙
古孔耿兵數萬乘曉霧直前欲一擊破之勢若
風雨公杖劍誓衆立矢石之所以示必死士皆

殊死戰虜且進且却終日力鬪虜以輕騎潛踰
後嶺先據上峯矢下如雨公急出勇士數百爭
登曰此正忠臣報國之秋也薄戰士皆一當百
虜有彼甲執旗立馬峯上建大旗令衆衆皆合
聚公指之曰彼不殺賊不退督戰益力衆砲俱
發執旗令衆者與諸酋長左右立中凡一時死
者數人而虜衆死者相枕藉不可計數我兵死
者僅數十虜大潰下山處處積屍燒之虜中皆
哭聲夜幾二更矣聞軍中砲丸已盡軍食乏朝
日虜必大至不可當欲移陣休士卒乃列炬為

疑兵潛師夜行至朝虜果大至則空壘亦畏伏不敢追虜敗將死者白羊高羅虜之貴將以善聞功高先汙以女妻之重於虜者也我兵中路夜驚軍亂大號曰為主將既力戰勝之卒有變徒死無益皆散去公與麾下騎士數百至水原患無兵欲南下更收兵為後計監司李時昉畏胡不赴亂心內慙忌節度之有功反辭以聞從事遂既心怒不從已言亦毀於上公當得罪大臣李聖求崔鳴吉極言戰捷狀曰功多實無罪以故時昉竄公得免既事平公常為禦營中

軍家居數年以病不出客來問者皆憂其不起
而李公溥素善私謂其子曰某也豈助攻中國
者也其疾固也時林慶業柳琳皆被驅從檄島
錦州之役矣崇禎十二年我仁廟十八年為
金海都護府使一年為嶺南節度使再任也軍
中事復修前時約束而已明年疾甚上疏乞解
印綬輿疾行十許里客死館次年五十七時有
大星隕於南方議政金瑬元斗杓在朝堂聞訃
至驚曰天也南方星隕果然失一良將上特
令一路送喪有司致賻如儀賜祭文稱其功

業倚如長城云公生於萬曆十四年十二月二十三日卒於崇禎十五年十一月五日其十二月十二日葬陽川縣南山族葬公沉毅多大略謙恭愛士能得人之死力自二千石以至連帥禦軍數十年嚴約束信賞罰繩墨必謹不媚權貴不循私枉以官為家歸則居無室廬居處服食樸如列士時及歿而歸家貧凡喪事依人以辦人莫不賢之光教之捷萬口多之而公曰當此之時主辱矣將兵之臣不死城下罪也他尚何說哉其心以為不幸遭值傾覆乘輿下城為

人臣滅身不為媿破虜不為多雖受任不辭慨
然不以功業自居以守死善道為心此忠臣義
也公平生居則孝於事親友於兄弟出則忠於
事君與人交而信此先大夫以行誼立名公能
守而不失如此蓋其賢有自云夫人林氏籍淳
昌軍資監主簿諱繼之女也能多識前言徃行
一以無過自飭厲門無苞苴女謁皆夫人之賢
也公歿十六年而孝宗九年十二月十八日
夫人七十六歿後年二月二十七日祔葬南山
有四男一女男敬文漢文仁文炫文晉鄭相敬

文司宰監僉正年八十壽爵僉知中樞府事生
三男春章振遠亨遠有一女壻叅奉李瀛振遠
生夢協亨遠有二女壻申弼卿李益休漢文海
西節度使生碩義禁府都事有二女壻李震晟
尹省孫碩生夢商夢良夢商生負夢良訓鍊院
正有二女壻安右宣嚴縑縑進士仁文司僕寺
判官追爵吏曹判書生德遠刑曹判書生夢陽
司諫院正言有二女壻柳憲章韓宗範憲章進
士炫文兵曹正郎男弘遠壻尹楷皆進士弘遠
生夢瑞有一女壻成任鄭相通德郎生重熙重

胤皆進士有一女婿鄭奎齊李震晟一男尹首
孫二男弘遠又一男一女鄭重熙二男鄭重胤
一男一女皆未長庶出子女六人三子乃文全
文會文三女郡守朴廷翔監司元萬石監牧李
益常妾內外嫡庶子孫至曾玄之世并未長者
百有餘人其銘曰
矯矯虎臣公佚于城忠義之積萬夫之望百代
之名

茂城府院君尹公神道碑銘

公諱洞字而遠姓尹氏別自號曰退村其先本

茂松縣人高麗名臣尹澤之後而我治平相子
雲之五世孫也曾祖監察化溟贈吏曹判書
祖校尉深贈左贊成父別坐彥清贈領議
政松陵府院君皆以公貴故得推恩三世毋全
州李氏別提瓚之女贈貞敬夫人公少受學
於濯溪全致遠先生名譽早著昭敬九年擢
進士第一名十九年登大科初授槐院權知副
正字尋補藝文檢閱三年為諫院正言轉禮曹
正郎己丑差行臺賀聖節仍請宗係事帝許
之而降勅特頒降會典既復命上重其功賞

奉使者公例陞司膳寺僉正庚寅拜司憲府持平先是有鄭汝立上變事遂為己丑之禍方策功公論推官等濫受功爵忤時議當得罪賴成文簡公渾力言坐罷乃止而不復顯用也秋大賞會典事 賜翰忠翼謨修紀光國功臣號特叙為盟府都事累轉刑曹正郎尋罷後用事者敗公叙為成均司藝改宗簿寺正兼春坊弼善復為正言兼司書時東方大亂 上西狩公從世子至成川大朝論諸從官以世子輕入賊途公亦上疏自劾癸巳以司成從 上還至永柔

亂稍定道始通乞歸見父許之至湖西冬車
駕還京拜軍器正俄出為南陽大臣白上兵
器事重選擇才能無逾此人者請留之甲子以
大故去既卒喪復入諫院為獻納兼編修官知
製敎改宗簿正蕪春坊輔德後再為掌令丁酉
以司諫陞同副承旨從吳副摠惟忠出東路惟
忠南將好儒雅禮接士大夫與公心相善公撰
吳副摠東征碑已亥以刑曹叅議移左副承旨
秋特陞從二品將全給留兵圻邑事如京師還
封茂城君庚子以右尹為工曹叅判兼同知義

蔡五衛副提管仍為經理萬世德接伴副使其
年有 裕陵之恤守陵三年以善於喪禮擢至
正二品連為工戶曹判書兼史局甲辰兼都提
管乙巳又兼知義禁冬特加崇政為判中樞己
酉行京畿觀察使庚戌為判義禁其年舉人任
叔英直言對策忤旨當削科公以考官上疏自
謝仍極言不可削又有大臣力持之事得解辛
亥以亂中從 上勞又加輔國為茂城府院君
後三年甲寅六月二日公卒公生於嘉靖二十
八年八月二十七日至卒之年為六十六歲訃

聞爲之罷朝巷市二日致吊賻如儀追爵領議
政其八月某日以禮葬于金浦縣北筮宅不利
某年月日改葬揚州金臺山下先壠之傍公自
居家孝友仁及九族至封功富貴事親無私貨
一物不告不敢私毋夫人病疽幾危殆公吮疽
得痊允奉養服勤不以貴故使人宗族有幼孤
爲之撫育而嫁娶之資其生業不問親疎性寬
厚裕如人不見喜怒好廉謹恥循已于人以自
飭見義不顧利害己丑大獄之後人人反目畏
忌戒一言得禍而公當言責論劾功爵無義殆

古之遺直方朋黨之際多抑危貴而不揚然厚
德令名以富貴終特上知許之深也及光海
政亂以元功貴臣義不可去又不去無可為慨
然獨歎日與宗族故人飲醉自遣以全晚節云
前夫人一善金氏生一男曰仁演以門子為志
歟府都事後夫人昌寧成氏無子仁演初娶高
靈金氏再娶德水張氏皆無子以族弟佑湯之
子松胄為後丁丑江都之敗成夫人與子婦張
氏皆自決死之正月二十六日也金夫人既同
穴而葬成夫人墓在後松胄三子惟一惟中惟

新其銘曰

慈惠周愛仁也敬事不僭寅也秉直不撓忠也
令善自終恭也

鰲原君金公神道碑銘

穆衰老母黨尊屬皆不在世惟鰲原君於先妣
為內兄弟年高無恙穆以先妣之思親事之不
敢忘也今鰲原君歿幾且二十年當時侍子弟
之列者皆亡穆獨後死在世且無餘日今鰲原
君長孫弘振歷述公終始事請刻石墓道穆雖
甚憐耄安敢不勉謹叙列其事公諱守廉字志

渾姓金氏系出新羅當麗亡有諱裯佐我 太
祖有功封鷄林君於公為七世祖曾祖諱千齡
成宗世方君子顯用為弘文館直提學祖諱萬
鈞事 中宗為大司憲皇考諱命元相 宣祖
封慶林府院君謚忠翼妣貞敬夫人韓氏領議
政諱效元之孫也皇明萬曆二年二月丙辰公
生公有二兄皆早歿公最少忠翼公甚愛之公
能恭謹亦未嘗有子弟之過二十二以門子初
授重林道察訪後三年復除青丹道察訪四年
陞通禮院引儀兼漢城府參軍尋為陽德縣監

言行錄卷之二

其年忠翼公卒既三年為忠勲府都事俄拜高陽郡守居郡一年貞敬夫人卒後為鴻山縣監時柳希發以王后兄方貴用為女求婚公不答以故卒陰中之罷西宮閑時公私嘆曰三綱絕矣屏跡田里且十年 仁祖世召用名臣之世公為漢城府庶尹出為益山郡守後為安城不赴累除中樞府經歷司瞻寺副正宗親府典籤內瞻寺濟用監正後復為典籤不就時公已六十四歲以南漢之狩老病不得從 上嘗自言因不出絕意仕宦閑居十六年 上之二十四

年會盟新舊功臣公例陞折衝將軍僉知中樞
府事七十八歿辛卯正月十三日以恩例追
爵議政府領議政鰲原君夫人成氏籍昌寧成
均生負恂之女主中饋一門稱賢六十年癸巳
十一月九日夫人歿享年八十二生一男一女
男南重禮曹判書壻沈東龜弘文館應教南重
初娶襄寧府都正閔有慶女生二女壻二人羅
星斗海州牧使徐正履韓山郡守後娶宗室礪
原正世憲女生三男一女男弘振戶曹佐郎一
振必振太學生壻一人鄭載岳領議政太和之

子也又有庶出子女六人沈東龜生四男敬收
轍倣收司憲府持平轍義禁府都事公壽益尊
子孫益盛常與人謹飭益謙人亦尊事之甚敬
每節序相慶宗族畢集長幼咸序各舉觴上壽
莫不曰福祿之盛當世罕比公嘗歎息曰吾家
群從姊妹昆弟甚盛今吾後死而骨肉親愛盡
為陳跡或泣下視諸姪猶子親戚歸心銘曰
溫而安約而能穀壽考維祺以介景福
今上八年夏日長至姨姪陽川許穆謹撰

芝山先生墓碣銘

公姓曹氏諱好益字士友其先本昌寧人江左
世族後世徙居江右之昌原曾祖司饗院正致
虞祖禮曹正郎孝淵父 贈左叅贊允慎母仁
同張氏延福君末孫之孫也明嘉靖二十四年
我 榮靖王元年十月庚戌公生八歲始就學
聰明力學長者不及十六從表叔學士周博請
受聖極經世書朱子諸書博以為太早不許時
以讀書修行已著聞矣二十三初見陶山李先
生得聞為學大方二十七八時連有父母喪既
三年 仁順王后薨祥而未禪時方籍兵都事

崔滉掌其事行至府以名勒令檢括閑丁公以
居喪未禫不敢出滉怒以為慢令論以豪強之
律卒有從違之事配西畧之江東道里二千里
公曰命也夷然無怨色居謫十七年常讀書兀
有餽遺非其義則不受尚禮讓遠近爭師之於
是立學規聚弟子行鄉飲酒之禮鄉人始知禮
俗之教滉嘗侍 經筵白 上曰某以無罪得
罪臣不察臣實有罪請治臣罪召用賢良諸生
亦上疏伸理及國有倭寇京城不守而 上西
狩抑相國成龍力言公無罪狀 上特釋之召

除官至則上曰甬在關西關西之人信而敬之召募義兵以兵付江灘守將時江灘已不守上去平壤柳相國見公曰召募事重力為之國不亡在此公行收兵先得五百人與士卒同甘苦臨敵善謀能得人之死力往來祥原中和間伐賊功力居多柳相國聞之歎曰某以儒士不習弓馬而徒以忠義激勵士卒賢也起兵後以掌隸司評遷秋官正郎尋陞折衝上護軍明年從天兵助攻平壤賊入北關追躡清正兵至楊州上賜賞物曰自中和伐賊克平壤又轉閩

千里斬獲甚多予甚嘉悅益加戮力後年為星
州與元帥不相能即棄官歸江東亂中仍住關
西舊謫居公已五十 上聞之遂有安州之命
一年以治理賜表裡後為成川定州皆謝病歸
賊中南方士大夫塚墓盡為寇所拔公之先葬
亦在此中在道上始聞之見星而行一如奔喪
既改葬寓居永川明年體相李公元翼初置公
海屯田召公以屯田事專屬於公大亂之後邊
邑空虛大召流民務耕種三年邊事既完公六
十餘卜居永川之芝山從山水之樂與諸生講

學不倦為善山南原皆不出諸生稱之曰芝山
先生及我 昭敬王薨當大葬至都下從郊外
哭班既葬歸後年八月丙寅卒年六十五葬郡
南松青西向為封公敦厚好禮自居家孝悌推
至於事君教民尤致謹於祭祀事神之禮謙讓
自卑好德無窮博識多通如天文地理數家兵
法揲筮無所不博常讀易得數觀理通消長變
易之義自兵革來人心未定常以南方為憂公
曰不然此後憂在北方未知國事終何如耳有
所著心經質疑考誤家禮考證諸書質疑周易

釋解易象推說摠十餘卷又詩文雜著二卷南方學者上疏請加褒贈儒臣鄭經世亦白上追爵吏曹叅判永川成川皆立祠以祀之公初娶金海許氏在關西時沒而無子墳墓在江東後娶居昌慎氏有賢行後公五十九年九十五沒祔葬一壠又無子以公兄子以需為後生輓輓又無子今為後者輓從祖兄弟之子壽昌輓有外子孫其長婿李翊世無子次婿朴廷健子啓煥兄弟三人婿一人盧世益又次婿李元祐子一人未長有婿鄭重履公有孫婦鄭氏千里

乞銘今七十八歲以老死為言亦可謂婦人之
賢者也其銘曰

危而不惡貴而不喜成德之義志通崇禮直而
不伐好德之節

贈左承旨盧公墓表

公諱克慎字無悔別號厚齋姓盧氏本光山人
光山之盧始顯於高麗至國初相嵩謚曰敬平
其世益大三世祖敬長敦寧府參奉 贈吏曹
判書祖珣廣興倉守 贈議政府左贊成父鴻
活人署別提 贈議政府領議政母貞敬夫人

李氏大司憲自華之女公實蘇齋盧相國守慎
之弟也相國文定時竄珍島十九年量移槐
州之明年公四十三初筮仕前後領邑四恩津
幹川陽城金浦官止敦寧府僉正五十八持太
夫人喪因患風痺病十八年而歿公生於嘉靖
三年九月十二日歿於萬曆二十六年五月廿
六日為七十五葬化寧後有恩例追爵承政
院左承旨兼經筵叅贊官淑夫人德山李氏
清州牧使增榮之女七十一先公四年歿生二
男三女長男大河利川都護府使次大海榮川

郡守為伯父蘇齋相國後長女適左議政沈喜
壽次適郡守金璫次適都事金命賢子孫將數
百人公敦厚好善居家事父兄有至性善行今
其子孫之多人以為厚德之報云

憲府監察盧公墓碣銘

公諱景命字正甫姓盧氏光州人高麗監門衛
大護軍恕致仕左右衛大護軍亶監察持平俊
卿本朝右議政嵩為四世而又三世有同知中
樞德基五世有領議政守慎後學所稱蘇齋先
生是也公為三世孫祖諱大海榮川郡守父諱

道亨醴泉郡守

贈吏曹叅判母海州崔氏左

贊成滉之女公生七歲父歿公遭喪七歲不食
肉里中至今稱之從姊兄沈公大孚學焉各行
著聞公兄弟三人伯碩命早世仲峻命既以文
學進公最少三十一母歿兄弟二人啜粥居廬
居喪之節人愈益賢之公累舉不利年已四十
不復應舉家居自守友于兄弟訓誨諸子以為
樂仲氏長於公十三年其事之之禮多人之所
不及者稱至行 仁祖十四年南漢敗後仲氏
在兩司論江都之陷罪狀主行大臣仍不容於

朝者十五六年連補外 孝宗三年復出為安
邊二年而歿於官公哀感哭泣居服舍暮年不
入私室 顯宗初年 命收用前賢之後公五
十一始仕為繕工監役再轉司憲監察其年為
奉化縣監守法廉平邑稱治有邑豪不得恣所
欲訴繡衣罷公為邑四年歸田里二年公五十
九歿公慈仁恭敬篤於行誼隣里化之里中有
薄妻者待其妻多不道自見公教家有禮慙自
悔不復以不道加諸其妻奉化時東方大飢公
發粟賑之必先孤寡尤無告者有一寒乞兒無

所歸者收而衣食之及歸擇邑中良善而屬之
邑中稱之以盧呼焉有死而貧無以葬者必具
棺以埋之公嘗立別藏於故里以資宗家祀事
令傳至遠子孫毋贅也淑人慶州金氏己卯名
人文簡公淨之後而掌令聲毅之女也其居家
教家皆有禮法一門稱其賢後公十年七十二
而歿有四男思兼思敏思齊思孝思敏 寧陵
叅奉淑人寡居哭之十年年七十二疾病迨奄
奄至屬續思兼思齊刻指流血得甦後淑人
歿思敏居哀不勝喪而死 上之六年有后之

喪思無免喪才一年除陵寢郎不出又有二
女其二壻宗室花昌君沅國子進士韓世讓墓
銘曰

嗚呼孝且慈至行之世至行之積至行之遺

許博士碑陰記

公諱案字宗之姓許氏本陽川人大王父漸有
隱德茂行不顯於世王父暉慶尚道觀察使父
銡弘文館典翰母宗室李氏倉守遇賓之女萬
曆十一年癸未十二月二十六日公生三十四
年丙午秋榜生貢四十三年乙卯調聖及第第

四人忤時議至明年乃初授成轡道察訪及戊午獄起一門當禍公謫泗川泗川南海窮處去京師千里母夫人年高不忍離從謫所四年歿其二年仁祖既反正大釋諸囚公遂得釋因客於星州既卒喪除成均館博士時公疾已劇謝命即歸其年復除北道兵馬評事未赴歿乙丑正月十九日年四十三初葬於仁同巢鶴山下後三十六年庚子迺葬原州蘆叢王母金夫人墓西丑向之原公雅潔疎蕩喜笑語不幸其家敗淪謫海隅無聊日飲醉自遣大夫人歿數

年公竟客死星州人莫不悼其窮而哀其命嗟
乎公雖不言知許氏必敗早得慶變之方以故
大禍不及焉淑人全義李氏醴泉郡守忠可之
女公歿後三十年甲午四月二十四日淑人六
十七歿合葬於蘆藪有二女一男其二婿連原
道察訪李道章士人金耀立男徵進士

司僕主簿金公墓碣

公諱慎吉字某本光州人始祖某新羅國君之
子國衰遁遁至光山隱於民伍其子孫仕高麗
十世為平章鄉人號其里曰平章洞云平章之

六世有謙光事我世祖位至左贊成於公為
五世祖高祖某昌陵叅奉曾祖某繕工監僉
正祖某父某皆早世母新平李氏漢城府叅軍
某之女公三十七以門地為集慶殿叅奉累轉
宗廟署奉事中興二年李适敗死賞扈從諸臣
公陞司僕寺主簿同僚有不悅者適有力於時
卒中之其後悶親老家貧欲乞官以養親其故
舊交遊多在顯位庶幾冀其推挽顧其所親不
與其所舊遂棄去流落大澤之西以沒嗚呼公
有孝友行其先府君病絕斷指流血以灌口既

孤事母有至誠撫育諸弟鄉里皆以為善行公
以萬曆十一年癸未六月十四日生以崇禎九
年丙子五月廿五日沒年五十四初葬於龍仁
縣柳谷後二十七年改葬金嶺光金累世之葬
在此妻文氏柳氏僉知中樞諱希成之女有淑
哲懿行公事親孝友愛行於兄弟亦稱婦人之
賢公沒二十七年九月二十日柳氏沒七十二
合葬金嶺有子男長重榮孝宗召用名譽再
為教官不就後阜榮以武科為長連縣監重榮
生興鼎女三人長適士人李鎮二女幼阜榮生

二女皆幼

權安山墓表

公諱得慶字善吉姓權氏其先本永嘉人高麗
太師韋之後而我世祖功臣花川君瑊之五
世孫也花川君生監察曼衡監察生太學生錦
太學生生稷山縣監大鈞縣監生監察鸞於公
為皇考縣監為後於族父禮曹正郎仁杏正郎
花川君之兄弟之孫也妣坡平尹氏掌苑諫之
女也孝肅皇帝嘉靖四十四年二月廿三日
公生二十四選國子試我宣祖三十二年初

筮仕為掌苑署別提二年轉軍資監直長明年
遷內膳寺主簿尋改刑曹佐郎其年為平壤府
判官以治理特聞上賜表裡以賞之五年不
樂歸後年為交河後二年為工曹佐郎尋陞正
郎連為德川金山有遺愛德川郡有治績碑
仁祖三年為安山後三年有虜變上出幸江
都既與虜約成輸貨幣人皆以計過之公受
命即行亦無難色為郡六年而歸公時六十六
歲老於衿陽別墅閑暇自娛丁丑三月八日淑
人李氏歿其七月十六日公歿公與淑人同年

生皆七十三合葬于砥平縣治南西向原公儀
狀俊邁出衆人善草隸公居家夫婦敬相待如
賓子弟侍三戶外不命之入不敢入吾聞敬德
之聚能敬必有德公不大用於世以其教於家
者知其子孫必興淑人我太宗別子孝寧大
君補之後掌苑應生之女也生一男二女男曷
女張適僉知中樞唐原君洪有煥次適晉州判
官尹左辟曷三男尚規尚矩尚準尚規義禁府
都事尚矩安邊都護府使尚準長寢齋郎壻四
人士人金啓聲折衝將軍尹昌亨士人趙湍佐

郎中圭内外子其銘曰

式式其敬諸諸有造官不稱德宜其有子孫之報

權副正墓表

公諱統字

姓權氏高麗太師幸之後而我

太祖名臣文忠公近之八世孫也曾大父軹察

訪贈左贊成大父悰郡守贈吏曹判書父

覲參奉贈左贊成以長男緡貴故有三世封

爵母貞敬夫人李氏義禁府都事希參之女公

少有仁孝性事父母必以父母心為心當兵革

之世奔竄道路公未成童能服勤奉養有動人者見者多歎息賢之轉客湖右閩家瘠疫公強起供給不絕母夫人泣持曰兒以病能供子職耶時先府君歿顏色哭泣有不忍見者萬曆末初筮仕為繕工監役累轉司憲監察漢城判官掌隸司議皆以持法多之尋改軍器僉正為大臣所拔擢陞副正將遷至大官時遷官者非私選不得公以簡潔不果遷 仁祖元年為旌善郡守不幸遭家難即謝歸絕意仕宦常痛恨伯氏判書公抑危於世卒為孽臣所賊害足跡不

出門三十年大夫人八十八歿公亦六十二歿
粥守塚哭三年七十六歿孝宗五年十一月
廿三日葬抱川族葬以靖社原從追爵承政院
左承旨夫人廣陵安氏安東府判官療之女也
夫人有婦德賢行事姑夫人克順庭無間言四
十年公歿夫人已八十猶躬執饋奠三年不懈
謹飭有禮祭祀必潔誠教家必責義而賤貨視
子孫仁愛必均睦宗族踈遠不遺長男伯連為
縣邑夫人戒之曰臨民必推恕毋令老母慚愧
於受養内外不嚴者苞苴之運尤不可不慎公

言身集卷之一
三
歿後十二年六月二十四日夫人歿壽九十卜
葬於抱川族山未向之原乃合葬焉銘曰
嗚呼德善之厚是訓是承宜其有壽福之報可
以勸可以興

權處士墓碣銘

公諱宗吉字伯休姓權氏其先本福州人福州
之權皆祖太師幸為大姓高祖希孟曾祖應挺
皆貴至觀察使祖守鈔斤驛察訪父慶男嘉山
郡守母李氏籍咸平贊成瓘之女也公以名家
之世世甚敦厚悅人之善恥人之不善其居家

教子孫與人交皆然與我同里開長於我十二年我兄事之當光海之末見政亂入橫川之蒼峯不復應舉求各耕稼以自給六十九歿葬縣北十五里懷真之洞孺人鄭氏致仕左贊成宗榮之孫楊州牧使燾之女孺人少於公二年公歿後九年七十六歿附葬同原生五男四女男程穆種穡程生負穆以才能聞官止戶曹正郎壻尹鏞朴成胤金聲李弘弼弘弼以武科得仕以營將出湖南程生聖行聖中壻李天培柳畢金夏貞種生聖時壻趙章胤任字禎穡生聖

興聖輔壻李斗岭又未長者二男三女穆稿無
子穆以聖中為後稿以聖輔為後尹鑄生湊濟
湑慶胄濟漪黃澗縣監壻申栻朴成胤生之相
之彬之相進士壻韓世臣李昌美沈周翼李汝
楫南宮至世臣 靖陵叅奉金聲生命賁命錫
命擇壻安汝泰朴慶來慶來進士李弘弼生元
佐舜佐尹衡商又一女未嫁銘曰
厚畜於其身以永其後人

權正郎墓誌

君諱穆字泰如姓權氏其先福州人曾大父守

沙斤道察訪大父慶男嘉山郡守父宗吉通德
郎毋八溪鄭氏揚州牧使 贈左贊成煥之女
郡守之弟平壤府判官裕男生成均生負克吉
嗣絕以君為後 皇明萬曆四十二年甲寅君
生崇禎十二年選國子進士我 仁祖末始筮
仕為氷庫別檢其年有 大喪賞因山之役以
監役陞為活人署別提明年庚寅轉刑曹佐郎
俄改戶曹佐郎辛卯通德郎歿既除喪復為戶
曹佐郎一年為咸興府判官有官糴積逋累千
斛君務積儲逋租充滿悉燒其券又長於剖決

百姓歸心戊戌君以疾歸其父老刻名鑄銅曰
無以報侯之德其年所後母金氏歿庚子復為
戶曹尋陞正郎元前後三八戶曹及為恭仁本
曹以為經費之司財賦所出非此人不可 啓
上特留之其十一月本生母鄭氏歿明年癸卯
正月君歿年五十嗟乎十年之間哭泣居憂者
七年月日禮五十不致毀有疾者飲酒食肉以
毀而死為戒然既創鉅痛深卒至於不勝喪而
死者使人大感嗟乎命也其四月葬于揚州之
道峯山下權氏族葬君又無嗣其為後者兄程

之子聖中也嗟呼君與我同里子君雖少於我
十九年知君莫如我君自少時沈厚有氣力恥
與流俗人自比長而益力愛人好士善談論交
結一時名勝及仕於朝致名譽莫不曰賢出為
郡邑又遺愛在民如咸父老聞君之亡食不肉
如悲親戚誠非得人之深者其能此乎君確而
肫平生重意氣輕財好施慕義強仁與人大淳
七十三歲老人孔巖許穆著

崔別提墓碣銘

公諱基鐸字子勤姓崔氏本江陵人高麗世有

三重大匡必達是為始祖中世有宗正卿漢柱
宗正卿四世有集賢殿提學致雲五世有大司
憲應賢江陵皆有鄉賢之祠大司憲於公為四
世祖三世祖戶曹叅判世節大父文昭殿叅奉
壽獻考宣教郎景祥為伯父寧越郡守壽增後
有才譽早歿妣草溪鄭氏右贊成八溪君宗榮
之女亦早歿 顯皇帝萬曆元年癸酉七月十
一日公生公既早失父母育於外家外祖八溪
君家敦厚有禮公又力學礪行行已有方操守
堅嚴一時士多畏憚之者光海四年選博士第

子與其弟基鉅同在津官其明年有永昌獄起
太學齋生河仁浚者承鄭造等遷大妃之論
驅大學諸生上疏言廢大妃事公慨然曰人
之道滅矣兄弟二人遂去太學皆被禁錮自是
廢舉子業屏迹丘園仁祖丁卯除尾署別提
不就居家有法以教子弟弟基鉅後登第不樂
仕宦累官止國子司藝公潔身五十年以壽終
仁祖二十三年乙酉九月九日年七十三初葬
於原州之古毛谷宅地不利再遷而卜鋤谷東
麓古乃葬夫人元氏高麗國子進士耘谷先生

天錫之七世孫而副司直應霖之女也慈惠仁
恕雖婢僕下賤亦未嘗斥言其過恒言以為善
教子孫恩信周盡親戚歸心夫人生於隆慶庚
午三月十六日歿於仁祖二十六年戊子十
二月十四日壽七十九合葬於鋤谷申向原生
四男三女男文澳文活文潑文湜文澳靈巖郡
守文活咸陽郡守文湜今為黃海道觀察使皆
以科第進文潑生貢壻三人金克重洪泰承朴
昌胤皆士人文澳壻三人許炯閔之鎬沈孺之
鎬進士文活生東望東老東益東老生貢今為

司饗參奉為文澳後壻三人權灝宋廷軼沈櫛
又庶出男東楠文潑生東相壻三人尚來周朴
灝任斗登灝進士又有庶出男東探東楹女二
人一人嫁李庭植一人幼文湜生東準進士壻
八人金大成李秀漢權階曹夏亨李藩李養源
李一台宗室林原君杓階持平夏亨進士金克
重生瞎眈壻三人閔燠李恪元震亮洪泰承生
瑞疇壻六人朴自懋朴文桓李命夏權好經李
再李瑞益命夏進士朴昌胤生之楨壻四人李
文胄權斗元成壽昌李之亮內外子孫三世四

世百餘人銘曰

離渙浼以潔其身守窮約以裕其後人

李典義墓碣銘

公諱守約字兩省姓李氏太宗賢王孫秀泉

君貞息之五世孫也王父諱元翼相宣祖有

功德謚文忠父諱義傳以治郡高第累陞後襲

封完善君母貞夫人順興安氏通仕郎諱宏之

女也公少讀書專於應主司之文蹭蹬不得意

選止國子生貢官不過倉守命也事父母有至

性能承意順適唯恐一事不得盡於歡心性儉

率無華簡交遊非良善不許好硬直平生以辱
已媚人為恥鄭公經世李公坡見而悅之退而
語人曰善乎相國之教在子孫如此次其履歷
仁祖二年生貧初仕在元年繕工監役掌苑署
再為別提掌樂院主簿掌隸院司評刑曹佐郎
工曹佐郎正郎掌樂院司宰監僉正宗親府典
籤又三為殿中再為倉守典籤時侍輪對上
問職事公對之甚悉上從容問治郡縣幾對
曰臣為郡縣五上心善之在列者私相語曰
斯人者習於事者也奏事可觀明年由倉守出

為高城為郡縣六廵豐挹川陽川龍潭淳昌高
城廵豐龍潭取有聲績廵豐有遺愛碑公從仕
四十年好廉簡常以怠官曠職為戒曰世受國
恩思以服勤報 上云臨歿淨掃室堂嬖人毋
得在側遂絕君子以為正終公 宣祖二十三
年庚寅三月十八日生 上之九年戊申二月
十六日歿年七十九其四月廿八日葬于衿陽
秀泉君墓後李氏衿陽之葬六世公前娶白氏
生四女其壻李后勉成楚老權以經韓相五相
五進士後娶徐氏監察弼華之女生四男曾賢

師賢象賢景賢曾賢縣監又女一人其壻沈之

咏銘曰

賢善不夸忠也直理無華慤也忠而慤良善之
翼翼

鎮川宋氏墓表

士人李象賢妻宋氏籍鎮川縣監興詩女而司
諫崔尚重之外孫也十九歸李氏淑潔有古賢
婦人之行為家嚴而主恩事舅姑必承意順適
宗族隣里仁厚大信莫不曰賢其舅吾妻兄李
典籤守約也其長子無嗣屬其所後兒曰擇兒

必先擇母其賢行信於家亦如此宋氏崇禎七年七月丁亥生上之九年十二月庚寅歿年三十五葬雲陰李氏族葬生二男一女大兒前四年歿其一男一女皆幼穉兒既葬其夫以書乞銘曰賢前年葬親於雲陰因居塚廬有僮僕傳室婦小簡書曰得死夢不出今年當死仍為訣語其十二月果死妻死而其言其行事可以與人言少言語未嘗遽喜遽怒好儉約貧而不苟不留細故不失於親戚有二姊早歿常涕泣撫其兒賢偏急不能容人勉之曰容能忍忍能

強恕則無愠強則不動
改而無愠自返而善
與較賢心受其言今其死矣死而不沒其善為
化者相報之義此也不亦善乎一言而善百行
可信况其行又有動人者乎不可以不識也銘
曰

嗚呼家人女正歿而無命

李典籤墓誌銘

公姓李氏諱守約字而省我太宗賢王孫秀
泉君諱貞恩之五世孫宣祖中興相文忠公

諱元翼之孫完善君諱義傳之長男也母貞夫人順興安氏通仕郎諱宏之女也萬曆十八年三月十八日公生文忠公甚愛之十年始學書博讀經史十七選國子初試雖不利皆曰能光海時文忠公諫而得罪公時二十六因廢舉將十年仁祖既反正文忠公復入為相公初筮仕為繕工監役明年為掌苑署別提其年選國子試二等第九人生負後累轉司憲府監察掌樂院主簿掌隸院司評戊辰為延豐縣監延豐本廢縣當復邑初置官公蓋選擇遣之也果以

治理名既歸其人至刻石追思不已癸酉復為
監察一年遷工曹佐郎乙亥陞正郎丙子為陽
川縣令冬有虜變急上幸南漢完善君從
上於圍城之中上既下城完善君適嶺南公
即解官從之己卯有宰相白上拜刑曹佐郎
俄出為龍潭縣令乙酉為抱川縣監以疾即歸
丁亥完善君卒甲子李适叛時功臣等大懼以
內變動上意盡殺故相奇自獻等三十七人
實謀不及三公矣金相國謚狀曰當誅殺三公
亦預其事公居完善君憂從草土上疏卞之

上即下太常釐正之 孝宗元年為淳昌郡守
一年忤上司罷明年配享文忠公 仁祖廟庭
特除公掌苑別提秋陞宗親府典籤嘗侍輪對
具奏當府弊事 上悉令變更之仍從容問治
郡縣幾對曰臣嘗為郡縣五 上心善之既罷
在列者皆曰斯人者習於事者也奏事可觀癸
巳移廣興倉守尋出為高城郡守一年又不悅
於上司罷公自此益無意仕宦治園林以自遣
元五年戊戌為司宰監僉正公雖不樂當官必
盡職不敢怠常曰世受 國恩庶官雖微思以

服勤報上云 上之元年改掌樂院僉正後年
復移倉守一年以老適時公已七十三數年因
沉綿病戊申二月十六日歿公疾革命淨掃室
堂令諸子不離側婦人母得近前徐淑人請永
訣公不應恬然而逝善乎此君子所謂正終者
也年七十九其四月二十九日以禮葬于秀泉
君墓後從治命也公事親有至性好儉素不喜
外飾慕善如嗜欲見不善若浼己臨事不苟平
生以辱己媚人為耻李公竣稱之曰某有先相
國之風鄭公經世亦曰可謂賢相國之孫也樂

觀書有記述閑中雜錄十卷公再娶而生四男
五女前娶白氏籍隋城公少年得沉綿病幾危
死者十年白氏日夜祈天禱命積至誠救之疾
得痊一門稱賢三十六歿生四女其壻李后勉
成楚老權以經韓相五相五進士後娶扶餘徐
氏監察弼華之女也生四男一女男曾賢師賢
象賢景賢曾賢縣監壻沈之詠銘曰

質而無華儉而不奢不媚世而苟容不辱已而
為恭可以言可以勸可以聞

贈叅判金公墓碣銘

公本江左閩詔人姓金氏高麗時太子詹事龍
庇新羅敬順王之苗裔而於公為十二世明嘉
靖三十六年十一月四日公生於安東府一直
縣龜尾里公諱涌字道源曾祖贈承政院左
承旨禮范祖成均生負贈吏曹判書璉父自
如道察訪守一母漢陽趙氏司果孝芬之女也
公少讀書修行以才學著名二十七父歿三十
四登科目補承文權知正字尋遷藝文檢閱冬
在直發痘甚重無生氣上令中官踵問之且
謂曰雖病厚賦者不歿疾果瘳歸家未返有倭

寇急 上西幸是 昭敬王二十五年而公三
十六賊連陷三京道不通公募鄉兵會諸義兵
拒守至明年秋始得達 行在所復入翰苑稱
良史時 帝已發遼左兵來救連勝之至高陽
以輕騎遇賊大敗提督遁免遂與連和令軍中
禁勿交兵冬 上還京公以奉教陞成均典籍
移騎省佐郎未幾以正言兼春坊司書陞獻納
改副修撰兼 經筵檢討官尋以持平為吏曹
佐郎陞正郎於是重於時趙學士正立語人曰
自吾筮仕來衷心清直惟見鄭景任金道源兩

人云未久以司諫移司成為執義兼春坊輔德
時昭敬王三十一年而公四十二賊留屯海
上聲言再舉而三帝又發南北官兵十餘萬征
倭左相李公元翼為諸道都體察使公為從事
每與計事稱強佐方大兵至而兵食甚急公以
校理出為督運御史時柳公成龍以上相受命
危亂之際以死自任而上亦倚任之甚重小
人乘瑕隙日夜沮毀百計令憾怒上心柳公
去位而在朝良善一一斥去公亦被斥不容於
朝或置散或補外為善山醴泉尚州洪州方師

旅之際中外板蕩殆道大壞公所至一以保民
興學善俗為務亦不得久於官久不過一年二
年居洪州一年太夫人年高以親老謝歸其明
年太夫人歿公已五十四居喪之節不以衰老
少變既除喪為太常正以編修官叅修昭敬
王實錄當羣小秉政是非大乖公正色一一正
之領相竒自獻歎息曰明知先王時事無善
於此人者富平有疑獄久不決有本道啓聞
朝廷特擇人遣之公受命往聽兩造閱實情
偽立辨人心大悅莫不曰有人有人云以太常

正例陞通政居西班年為驪州公已六十方
世道大亂公益無意世事銜罷遊驪上蕭散而
已公有長子死而辭以歸葬因去歸乘舟上北
江行李蕭然州父老吏士送之江上相與嗟歎
政潔良久乃散歸公歸田里四年而歿庚申十
月十九日年六十四公平生寡言笑儀狀秀雅
口不言人臧否朝政得失樂觀書不以事物經
心親親善善可見行已處心之正戒子弟常言
說讀聖賢無實踐空言無益吾少年志學中間
枉過半生年老雖欲悔過亦莫追吾平生服膺

窮不失義達不離道八言亦勉之性澹然無他
嗜好以山水自娛自號雲川當亂世與俗易良
韜晦以終臨歿屏婦人曰禮男子不絕於婦人
之手不言家事恬然而化可謂君子之善終後
年正月甲申葬臨河申谷淑夫人李氏軍器寺
僉正寓之女而陶山李文純公之孫也夫人素
稱婦德事舅姑有禮一門稱其賢又仁於媵妾
篤於宗族皆曰大賢之世家教有自夫人與公
同年生公歿夫人哀感哭泣三年而六十七歿
十月九日也葬林塘有五男是柱是樅是楨是

稜是相是柱乙酉國子壯元登大科為騎曹負
外是楨亦同榜生負不幸短命先公死者四人
是柱四十三公驪州時死而歸葬者也是楨二
十一是楨三十四是相二十八是稜公歿時四
十四不勝喪亦未練而死公歿之後二十年已
卯長孫熙改卜宅兆合葬於臨河枝洞又後十
三年辛卯孝廟初政以壬辰募鄉兵拒守事
有白上者公特追爵吏曹叅判夫人為貞夫
人今來問銘者金負外之孫方為孝陵齋郎
金泰基也其墓銘曰

嗚呼君子之邦君子之教君子之人魯無君子
斯焉取斯信有若人

記言別集卷之十七終

記言別集卷之十八

丘墓文

吉昌府院君權公墓誌銘

公諱恢字思省姓權氏高麗太師韋之後也皇
曾祖考旭司導寺副正 贈承政院左承旨皇
祖考振典牲署叅奉 贈戶曹叅判皇考常有
至行 宣祖世以繕工監正特加通政又以壽
考進同中樞後推 恩追爵領議政東興府院
君妣安定羅氏藥侮將軍云傑之女也追封貞
敬夫人皇明 世宗皇帝嘉靖三十二年五月

廿四日公生生有異質才藝早成二十四擢庭
試第一人其明年我 昭敬十年登謁聖乙科
及第選槐院俄遷藝文館檢閱辛卯在諫院論
已丑寃獄左相澈江界安置壬辰之亂 上西
狩公為執義爭之曰不可禮國君死社稷大夫
死衆 上雖不從感其言 賜佩劍以賞之明
年 帝遣提督李如松率南北官兵四萬克復
西京公以御史管輸海西京畿等道為粟時澈
復三南都體察使卽啓 上以公為從事彼旣
深恨於公以為一朝釋憾身留江華而遣公南

路治兵事賊方據京城南方道不通人皆曰此
迫人於死地必死無生還公曰主辱矣人臣義
不辭死無畏色時提督敗折於高陽與賊連和
諸路始通公以御史巡撫湖南大夫人歿而歸
賊仍居南邊聲言再舉丁酉果益兵臨我人心
大懼中外擾亂上選於羣臣公以應教特差
告急正使如京師亦無副介而專任之公受
命卽行三十日薄京師旣上奏日愬兵部軍門
以國弱賊強危迫存亡之急言輒泣下軍門索
地圖仍問我城池器械兵甲積儲與賊兵屯據

要害公誦地誌作輿地圖具列賊路與我殘破
狀開示纖悉舉無遺策軍門大悅以為賢才而
以至軍吏士之左右者亦莫不變色歎息云云
卽覆奏奉 聖旨發南北水陸官兵及山東粟
公曰事已急矣調兵遠餽道里寫絕必不相及
乞先發遼廣粟及南兵已在永平者出救請質
筋角硝黃以還於是發南北精兵至者一萬二
千又大兵繼之合十四萬人冬賊薄畿甸天兵
擊却之賊仍屯兵海上築壘相望六百里大兵
皆南下明年以戶曹叅議出為黃海道觀察使

時海右新剗於兵廢事板蕩方師旅未定車騎
過者日相接於道需應萬端公身勤苦不失將
士心又撫存不怠庚子出為羅州當大亂初定
為治以弛力寬民為務三年入政院至右承旨
二年改刑曹叅議明年復為戶曹時議定宣武
功臣位次公在原從上曰丁酉却賊掠亂某
功力居多不宜在原從命錄元功三等賜
効忠仗義宣武功臣號秩嘉善大夫封吉昌君
明年以大司憲特加資憲為全羅道觀察使兼
甄城尹政刑平而黜陟嚴金相國瑬嘗為屬邑

以法逐去亦不以愠而以稱曰廉直無私有古
廉使風云丁未入為禮曹判書戊申上登遐
公掌喪禮詔相光海既新立鄭仁弘用事易置
先王公卿諸近臣公罷禮曹己酉以監修太
廟陞正憲甲寅享新舊功臣加崇政進一品二
年奉使如京師還又二年正月廿七日卒於正
寢春秋六十六訃聞賜賻吊如儀追爵議政
府領議政吉昌府院君有司治葬事至成葬墳
墓在富平之水吞公少受學於順川都正琯得
聞修己之方先府君每以慎交遊勤己奉公為

訓故公行已必正交際必慎行其誼不顧其利
害立朝四十餘年一以急官曠職為戒莊重少
言語居處必嚴兄弟三人皆至貴顯比肩於朝
門戶盛大恒退讓無滿色一以居簡守禮為家
令父母已老每退朝必侍側終日事之猶恐不
得盡於懽心及其居喪喪事必誠必信亦猶恐
不得盡於禮也已丑先公之喪公在玉堂侍
經筵日久上令有司恤其喪恩禮甚厚莫
不曰榮後官益盛年至耆艾必致愛如事存其
有水土佳味亦非薦不食一事不敢忘孝也沒

身不衰有一妹寡居無子必同館而變一如父
母之視之也兄知樞公年高事之如事父凡甘
旨之養衣服溫涼亦無不順適每受祿俸必頒
諸親戚之貧者不以有無問於家敦厚有容謙
約下士未嘗言人之過而喜楊人之善戊申以
來閉門自守言不及時事方疾革聞廢太妃
之議決猶扶而起仰天太息流涕曰人之道滅
矣與兄叅判公相對慨然無與言取紙筆書數
語以相示而已時諸諫者皆得罪及先海相孝
純率百官庭請叅判公嘆曰言之徒無益謝不

出因坐廢公平生喜讀易善於知人嘗在翰苑
有僚友欲以鄭汝立擬薦者公曰此人非吾人
終不許當時其人名譽日盛舉世多趨之唯公
及執義李敬中不取也及己丑事作諸薦引者
皆得罪公知遇宣祖甚倚任之叙其履歷藝
文館檢閱承政院注書成均館典籍直講司藝
戶曹佐郎刑曹禮曹兵曹佐郎正郎侍講院司
書文學弼善司諫院正言獻納司憲府持平掌
令執義弘文館副修撰修撰副校理校理應教
知製教自丁酉使還政院至右承旨刑曹叅

言三別集卷三十一

議戶曹叅議叅判漢城府右尹憲府大司憲禮
曹判書都摠府都摠管補外者二通津羅州任
方面者二黃海全羅等道觀察使夫人崔氏籍
全州司諫院獻納克成之孫工曹正郎洙之女
也夫人平生無疾言遽色雖婢僕下賤未嘗以
罵詈加之事舅姑家已貴盛必躬執烹飪以養
封貞敬夫人嘉靖三十年十一月三日生萬曆
四十八年十一月十九日卒享年七十生七男
二女男豐德郡守信中義禁府都事必中延日
縣監景中司憲府監察正中翊衛司司禦謹中

戶曹佐郎審中進士偉中二婿吏曹佐郎柳榛
刑曹參議李時煥郡守三男一女男大任大鳴
大式大任尚翁主為吉城尉婿朴尚彬都事六
男五女男大德大淳大淑大胄大夏大華五婿
崔璉李慶會正郎尹惟謹佐郎李昌炫池汝寬
縣監二男二女男大復大壯二婿縣令柳重炯
李德升司禦四男三女男觀察使大運縣監大
胤大遠大述大胤為仲父監察正中後三婿司
諫李垕李時繼宋珩佐郎二男三女男大敏大
益三婿宋道凝李篤廬思敏進士一男三女男

公山縣監大載三婿李壇崔東老李命麟皆生
員至曾玄之世凡二百餘人天之報施必於厚
德者信如是也公之賢能功業列其大者方國
家大亂能勞身竭力跋涉四千里動天子威
靈出兵伐賊社稷不亡功既高矣亦不自言
上擢置元功之列及光海政亂擯斥且十數年
亦未嘗感憾於色辭進不隱賢退無怨尤周傳
所謂忠義以濟寬樂善終者公有焉銘曰
篤於仁純且忠勤王室致匪躬際昌辰崇且
亨勒功彞鼎百代之名又其天道之報子孫之

繩繩

贈吏曹判書權公墓碣銘

原任判戶曹權公居太夫人憂將樹碣於先公之墓以先訓世德問銘於陽川許穆必誠必慎一以溢詞為戒亦古之君子論撰以禮者也穆雖孤陋受託甚重安敢以辭讓為事謹叙之曰公諱謹中字汝精姓權氏其先本永嘉人高麗太師韋之後也高祖諱旭司道寺副正 贈承政院左承旨曾祖諱振典牲署叅奉 贈戶曹叅判祖諱常以善行特聞同知中樞 贈議政府

領議政東興府院君父諱快 宣祖功臣爵至
禮曹判書封吉昌君 贈議政府領議政吉昌
府院君母貞敬夫人崔氏籍全州工曹正郎沘
之女也 皇明萬曆十四年四月四日公生自
髫髻時屹然如巨人者長則能力學不倦累選
公車不成退而自修亦不喜人之知也 仁祖
十四年以選初授繕工監役頃年公有季弟進
士公歿哀其賢而無命其哭泣之感送死之節
與夫撫教幼孤皆足以動人者嫂家有顯者初
識公哭位心賢之嘖嘖以為古人之行也後

掌銓選首薦之有是除喜曰吾今而乃官此人
云後例陞義盈主簿遷司憲監察出為懷仁懷
仁峽中小縣公至而必先德惠務節約居二年
以政最聞會有按使來而以姻親之私例適為
東宮衛率轉翊贊司禦後以掌樂主簿又出扶
餘將之縣歿於成權驛 孝宗元年二月七日
年六十五其四月葬富平之水吞先兆之次以
宣武寧國原從 贈吏曹叅判後以子貴 贈
吏曹判書公敦厚謹飭口不言人之過平生無
疾言遽色稱厚德長者篤於孝友居父母之喪

被衰麻守墓以終三年忌日必先戒十日不食
肉以及其日懷仁時仲氏年老寓居傍邑每懼
省必有酒羞凡飲食衣襪之適多人之兄弟之
所觀感者樂忠愛與人必推其餘以及宗族隣
里之貧者謙約自守所莅尚廉平毋求名毋喜
交以勤已奉公自飭勵亦以教子弟如此善乎
此東興公訓子孫者然也自先相公行已必正
交際必慎廉退守禮事君盡節為世名臣公亦
可謂能守家訓世其篤行者也貞夫人李氏
上宗諸王子潭陽君璫之後而執義敬中之孫

司評幼渾之女也夫人少於公二歲恭敬克順
喜愠不見事舅姑必盡懼心稱賢婦人之德長
男大運貴至上卿門戶盛大夫人必以滿溢為
戒大司諫時以論事忤時議見斥夫人怡然無
閤色曰亦何愧於心汝官至此已足矣八十四
子孫滿前以壽終 上之十二年六月十二日其
八月祔葬同原有四男三女男大運大胤大遠
大述大運卽判戶曹者也大胤龍仁縣令婿三
人李垕李時繼宋珩垕司諫大運再娶而生二
男三女男瑋珪三婿申暘許湛李雲徵珪後娶

出也大胤生四男三女男瑗瑔瑔瑔瑔生負瑔
承文院著作三婿李度常李寬朴始茂大述再
娶而生三女婿尹漢義二女幼後娶出也庠生
四男四女男箕錫箕叙箕封箕齡四婿尹致績
邊光載金光遠辛萬雄致績藝文待教時繼生
一男一女男東鳴壻金大任珩生一男一女男
世益壻尹興績其銘曰

善之積來譽之長天之報宜以熾而昌

贈持平權公墓碣銘

公諱偉中字君彥姓權氏本福州人福州之權

皆祖太師幸子孫貴大稱名家大姓今八百年
大父常同中樞追封領議政東興府院君皇考
恢我 宣祖功臣封吉昌君為禮曹判書追封
領議政吉昌府院君妣貞敬夫人崔氏籍全州
正郎沫之女也公穎悟夙成好讀太史公為文
有氣力又以筆法稱二十成進士平生非其義
不為不近聲色不言貨利與人敦厚樂易見不
善則必言勉以無過人愈敬憚之或有失則私
相戒曰慎毋令權上舍知之初選國子之年光
海方閉 大妃於西宮用事者爭言當廢令新

榜諸生亦上疏言之公一出應榜而已絕跡庠
舍公所與遊皆一時名譽或相徵逐飲醉為樂
公曰士處濁世修己自守善矣何用乃爾客有
飲醉過公而亂者公切責之客素善酒慙自反每
醉則不見公里中有顯者聞公行誼因同里子
求相見公謝不見其潔身自重如此公兄弟之
列年最少事諸兄忠愛克敬務盡懽心有長姊
寡居公一以事母者事之終身不衰居父母之
喪勺水不入口未葬食粥既卒哭食疏食練而
食菜果兄弟廬於墓下哭朝夕上塚風雨不廢

三年先同樞公以至行發聞先相公忠賢篤行
著於簡冊公其至性善行賢乎蓋有自也公娶
申氏女婦家惟一女無他子翁修義公視之如
子公亦事之如事父翁有風痺病公必親供藥
物積年月無惰色塲而葬亦必盡於禮而無憾
也嬭家乏祀亦無宗族子後繼者而公有子修
義公意欲托後於外孫公不受也雖踈遠必置
後欲無至於絕祀也公歿而不果公生於萬曆
二十六年四月三十日塲於崇禎二年六月三
十日年三十二以功臣子錄原從追爵司憲府

持平恭人高靈申氏我世祖名相叔舟之後
而修義副尉宗泗之女也有至性甚得婦道及
公之歿也悲不欲獨生以方娠忍不自決既兒
生託乳於姆將自決以母夫人故抑志順變然
既除喪猶居處服食一如居喪者六年哭之幾
喪明公歿時男大載纔十年教之如嚴父之教
子也後大載及其子璿皆以文學顯女三人其
壻李璋崔東老李命麟皆國子生負申氏少於
公三年六十七塲丁未二月十七日公之墓在
富平水吞乃祔葬其銘曰

幸憐之門問其世而信其行積仁累善早歿而
無命天道之報宜其有子孫之慶

贈右議政吉興君權公墓碣銘

永嘉權氏其先本新羅苗裔也新羅末世自太
師韋得姓為權氏大於高麗九世有樞密副使
守平其後有史館修撰僉議中贊坦領都僉
議溥僉議政丞煦代言重貴又六世有同知中
樞常以善行顯餘教在子孫稱厚德之世者也
中樞公後有吉昌君恢亦宣祖世名臣吉昌
君娶全州崔氏獻納克成之孫正郎誅之女也

言言別集卷之十一

恭敬篤厚以頌德聞生七男公最長公諱信中
字君執萬曆三年四月某甲子生三十一選司
馬試其年以選為掌苑別提明年移義禁都事
仍陞太僕主簿改秋官佐郎又明年為江西縣
令後再入太僕秋官為主簿佐郎後年以漢城
判官為昌平縣令五年陞金堤郡守三年吉昌
君卒二年貞敬夫人卒既卒變為礪山郡守尋
移丹陽爪滿為掌隸司評一年以秋官正郎為
豐德郡守適有修齊陵之事賞其勞陞通政
以疾謝歸三年而歿崇禎六年六月三十日享

年五十九葬水吞族葬南向之原以子貴 贈

左贊成襲封吉興君後以宣武原徙加 贈右

議政公哲而頌正色實言嚴重有威儀其事父

母處昆弟居喪之節友愛之篤雖其家訓世德

亦天性然也有李弟死而卜葬不吉公之長男

吉城君嘗為公卜壽藏於族葬之地公曰安有

為未死者有兄弟死而無葬者也遂以葬人賢

之公以長德巨人終不大用而屈於郡邑為官

不稱德人多惜之所莅以廉謹稱而有惠政碑

贈貞敬夫人李氏 世宗別子廣平大君璵之

七世孫而司評廷弼之女有婦德與公同年生
三十七歿先公二十四年八月廿七月初葬于
通津中樞公墓側葬公之明年正月改葬于公
墓之左生三男一女男大任大鳴大式大任尚
貞善翁主為古城尉仍襲封為古城君壻朴尚
彬大任生瑱敦寧奉事大鳴生瑒大式生玆壻
李懌朴尚彬無子有所後子曰希仁瑱生以經
守經壻二人承旨吳始壽生負洪萬朝瑒生致
經玆生順經又一男三女幼吳始壽生尚游壻
李景鴻又一男一女幼洪萬朝一男一女幼其

銘曰

孝友不急仁也嚴恪克惠賢也嗚呼壽不稱其仁官不稱其賢

吉城君權公墓碣銘

諱大任字弘輔姓權氏其先永嘉人永嘉之權自大師幸得姓來八百年世多達官貴人號為大族曾大父常以善行特聞爵至同中樞後贈領議政東興府院君大父恢以功業貴為名臣官至禮曹判書封吉昌君 贈領議政吉昌府院君父信中連守郡邑 贈左贊成襲封吉

興君後加

贈右議政母李氏

贈貞敬夫人

世宗別子廣平大君璵之七世孫而司評廷弼之女也萬曆二十三年十一月廿四日公生生而秀而嫻聰敏善學甫十年才藝夙成尚貞善翁主為吉城尉上寵愛之殊甚公充長於華法上稱善不已賞賜無數累進階至通憲純孝大王二年李适叛上狩公山公從上陞奉憲十三年封吉城君吉興君卒而既卒喪以元功嫡孫襲封者也明年冬清人入京城又從上於南漢進崇德再為都摠管後三年奉

使瀋陽時國家新去亂悉捐橐中裝贖還旌倪
之未返者人心德之二十三年十月廿六日公
卒春秋五十一公在疾上特以儀賓尊屬醫
藥屬路訃聞上為之罷朝巷市賜吊賻如儀
命有司庀葬事禮也以宣武原從追加綬祿大
夫為正一品公仁親篤厚善於父母昆弟以及
宗族父母既歿有二弟一妹公均其貲獲必擇
其善饒而厚給之猶恐其不如父母之親之也
其一弟年最少公甚愛育之其衣食服養一視
已而無缺性恬靜儉約自處如儒士善與人忠

愛好文雅一時薦紳文學多慕與之遊者平生
不為奢縱逸樂雅飭惟謹士大夫愈賢之國制
主家有賜奴賜田而公不肯准受曰吾受恩已
厚復以此煩有司不知足也主昭敬大王女
而靜嬪閔氏出也嬪康靖大王壻驪川尉子
芳之孫江華都護府使士俊之女也嬪賢而好
禮節主恭敬謹飭克順婦德蓋素所教訓然也
主生於萬曆二十二年四月一日卒於四十二
年八月一日主長於公一年春秋三十一葬於
富平之水吞至是乃合葬焉有一男曰璵敦寧

奉事瑱生二男二女男以經守經壻二人承旨
吳始壽生負洪萬朝以經生四男一女皆幼吳
始壽生二男二女長男尚游賢一人李景鴻餘
幼洪萬朝生二男一女皆幼又有庶出子二人
琳璉銘曰

尊而能讓貴而能下仁愛篤善戒慎不惰中樞
三世吉昌之孫賢善有自忠孝之門

贈吏曹叅判權公墓誌銘

公諱偉中字君彥姓權氏本永嘉人永嘉之權
實祖大師幸事在麗史高祖諱旭司導副正

贈承政院左承旨曾祖諱振典牲叅奉 贈戶

曹叅判祖諱常同知中樞 贈領議政東興府

院君父諱恢禮曹判書吉昌君 贈領議政吉

昌府院君母貞敬夫人全州崔氏工曹正郎洙

之女萬曆二十六年四月三十日公生自中樞

公以至行著顯而吉昌君當世大亂能以一言

動 天子威靈大發兵以揅亂謂之忠孝之世

而公仁孝嗜善峻正口不言聲色貨利不見遽

喜遽怒與人無戲狎使為善者慕之不善者恥

之篤好太史公為文尚氣格不專為舉業程式

又善楷書二十選司馬諫時光海閑 太后於
西宮佞臣主廢母后之議以逢之令新榜諸生
亦上䟽言之有非議者一一中之公一出應榜
而已絕跡庠舍一時恥之者多無意於世或飲
醉放跡以相尚公曰士處濁世韜晦自守善矣
何用乃爾自修益力婦黨有顯者前時廢不用
與公相友善中興後其人始貴用公絕不與交
驪來往其人素知公介潔愈益賢之里中權貴
人聞公行誼因同里子求相見公謝不見嘗寓
居蓮城築小堂日閉門讀書鄉鄰敬憚者每戒

飭過愆曰母令權上舍知之居父母之喪守墓
三年初喪食粥既葬疏食水飲練而食菜果處
兄弟忠愛無間有長姊早寡無所依事之如事
母終其身不衰篤行如此崇禎二年六月三十
日公歿年三十二其八月葬富平之水吞以功
臣子錄原從追爵司憲府持平後男大載官至
亞卿推恩贈嘉善大夫吏曹叅判兼同知義
禁府事五衛都摠府副摠管配高靈申氏贈
貞夫人世祖名相叔舟之八世孫修義副尉
宗泗之女而郡守金德謹之外孫也修義公慕

公之賢既以女妻之甚重愛之公亦敬事之殊
盡心焉修義公惟一女無他子而亦無宗族子
後繼者意欲托後於女家公曰然則嗣絕矣雖
踈遠必寘後令無至於絕世也修義公歿而公
又歿事不果夫人賢有令儀能盡婦之道甚得
舅姑歡心及公之喪也誓必下從以方娠忍不
卽決既兒生托乳於姆以必死自分勺水不入
口母金夫人泣而言之少順變然為之六年不
除衰哭之幾喪明公歿時男大載始十年二女
皆幼而一女在娠而生者也夫人教育有方大

載能讀書立行以文學進方為大司憲三壻李
壇健元陵叅奉崔東老戶曹佐郎李命麟濟
用監奉事內外孫男女十餘人長孫璫又登第
為大司諫次璫生負大載嘗為公山夫人常以
愛民慎刑戒之聞者謂之賢母云夫人少於公
三歲生於萬曆辛丑正月二十七日歿於丁未
二月十七日壽六十七同年四月葬與公同塋
而異墓銘曰

惟孝友敦且純不發於其身以裕其後人

丹崖李叅判墓碑銘

公諱敬中字公直別號丹崖姓李氏我世宗
諸王子桂陽君璿之四世孫也三世祖江陽君
灋為世父潭陽君璿之後而生喜安君輯喜安
君生錦川君斌於公為皇考妣瑞城金氏監察
允章之女也錦川君長男誠中官最貴追封二
世爵位錦川君力學為行一以古人為法與處
士李仲虎張倫為布衣交稱賢公子肅皇帝
嘉靖二十一年五月庚申公生端重好經術少
孤事母有至性我昭敬元年陞太學三年登
明經及第選槐院以博士兼太常又特選八王

堂時柳希春為副提學李珥為直提學吳健為
典翰金字顯為修撰洪迪為著作公為正字一
時為之語曰玉堂賢人聚明年乙亥懿聖大
妃之薨玉堂請從百官哭於宮庭樂有聲哭之
禮自此始也時有奴殺主者無罪大司諫許晬
論委官朴淳按獄失當憲府亦論之正言趙瑗
以為輕論大臣兩司皆引避大司憲金繼輝曰
晬死人族黨其所言不公副提學珥欲右瑗而
適兩司公曰不可治獄之體當如此以為私其
所親非所言也珥從之然東西朋黨之事起朝

延大車丙子以博士陞修撰丁丑轉校理時

恭懿大妃薨大臣定行期年之制王堂論以繼
體之重請行三年上從之戊寅為司諫院正

言論削李樛官尋有珍島郡守李銖者賂米三

尹

尹斗壽尹根壽尹現

事發覺憲府論之三尹罷拷問銖

辭引者皆服獨市人主藏者終不言大司諫澈
以為銖事無實其主藏者得釋三尹叙用公啓
上曰賂者受刑而安有受賂者晏然也於是黨
議益激大司諫珥上疏言鄭澈金繼輝韓修事
以為東人攻擊太甚請保合士類云公曰叔獻

之疏不出於乙亥而出於今日乙亥之人獨不
太甚乎然每以矯激為憂庚辰由禮曹佐郎移
吏曹兼記事官辛巳鄭汝立以多學拔擢公曰
此人顯用他日必為士林羞時議反以為忌疾
公適吏曹李潑令其弟侁往視之還曰見公直
兄弟伯無愠色李愠有語公直喜怒不可見也
其八月太夫人歿公居喪毀感既三年因羸瘁
病除副校理移掌令省不就甲申為校理陞應
教俄改執義前年以爭論見斥者盧守慎柳成
龍金誠一李元翼金宇顒金孝元姜緒等或指

為鬼域或為凶邪或竄或貶或罷者四十三人
許筠竄甲山宋應澆竄會寧大司憲澈論加罪
之事公曰此人者皆善類又何罪之復加也澈
計沮又以址道觀察使權克禮私善於罪人託
言厚私行貽獎郡邑欲論之公又不可澈頗不
快於公公退而歎曰我不慣與小人乘遂辭不
出澈竟論之上怒權克禮逆觀察使時公已
病力出公為慶尚推刷御史推刷事急民多怨
前任者既得罪多以計避之者公受命即行曰
事嚴不可以言病出嶺南歿於密陽八月十四

日年四十三其年某月歸葬坡平柳文忠公哭之曰昭昭者心莫能昧之惓惓者忠莫或偷之闇闇者正莫敢撓之公平生無戲狎介潔官位已顯妻子常苦貧論議正直當路者雖主私意亦莫之敢肆已也方朋黨相攻擊公常慨然私歎心憂之後六年有已丑事作鄭汝立既敗死上從容問廷臣有先見者誰也柳文忠公對曰臣有友李敬中嘗言其不可用反被排擯坎軻而死上曰排擯者誰也對曰臣忘之在史官上問史官掌令鄭仁弘持平朴光玉也命削奪

二人官爵公 特贈吏曹叅判公有素不與三
鄭之誚不容於時議也當時人目有三鄭之目
貞夫人趙氏籍白川忠清道兵馬虞候彥忠之
女也有至行自公之歿三年哭一如初喪不理
髮殆六年及己丑事後當追爵賜祭夫人迺始
沐髮齋戒云教二子必有義方二子能修行立
名皆夫人之教也夫人少於公三歲至 顯皇
帝萬曆三十六年十二月二十二日夫人歿為
六十四拊葬同原男幼渾淳昌郡守幼渾義禁
府都事壻朴耆俊黃州判官幼渾再娶而生三

男四女命徵命後命衡壻權謹中柳長亨尹鉉
謹中司禦命徵女一人適權氏者前母出也幼
淳生五男一女男命勗命弼命哲命式命燮壻
鄭濬命弼丁丑江都之敗其妻盧氏其一子一
女皆死旌表其閭命哲我 仁祖十七年生負
賢而早歿命式其十一年壯元進士嘗為內膳
寺直長內外三世子孫五十餘方顯者權謹中
長男左議政大運其壻司諫李垕也其銘曰
確而貞一代之名和而直一代之祿式

大司憲元原君李公墓誌銘

完原君李公諱曷字志旦我太宗長王子讓

寧大君提之七世孫也高祖鎮安副正永男曾

祖義盈庫奉事希年祖贈完陵君世良為後

於從祖父保安副正壽男子僉知中樞希孫父

刑曹叅議深贈至左叅贊完寧君母尹氏

宣祖功臣贈領議政自新之女也公嗜文學

仁祖五年選博士弟子明年對策擢為壯元以

秋官郎兼記事官八年以禮儀佐郎移正言尋

改持平九年以直講選知製教後年復為持

平因災異上放釋仁城君諸子諫院論執不

已大司諫鄭蘊以爭論并請罪公極言君子小人之分以為以蘊之直諫豈復不容於朝也遂忤時議適持平十四年拜修撰時方遣使審中約和公與諸學士極言奴不可和其冬奴大入寇有南漢之敗後年以母憂去既三年以校理改獻納爭論柳碩事適獻納碩嘗論劾金尚憲久為時論所指斥今所論非所論以故公不從三年又有父憂服闋復為校理俄改掌令上累千言極言政弊上稱善擢拜同副承旨上疏辭之上曰所言正直特擢用以勸禮義尋陞

右副承旨一年出為黃海道觀察使海西大饑
請發列郡管餉陳穀以賑之戶曹不可促令沿
海諸郡輸灌京師其陳腐甚者責之列邑公更
條陳不便十事皆不聽公更以便驛聞罷牛
峯江陰二縣置金川郡繕治諸城給諸驛廩田
設鋪諸站官給本取贏以使用如此事八條朝
家多不從明年陞嘉善封完原君二十五年以
都承旨出為關西觀察使時鄭命壽來而恣所
欲慢辱大官多無狀公持正不撓彼亦心畏難
多慚愧有沮色二十六年以大司諫拜禮曹叅

判復出為嶺南觀察使上積弊偽結無名之稅
萬數悉罷之架山城大而兵少移傍郡縣束伍
專屬焉 孝宗即位之冬入為兵曹叅判以特
進具陳嶺南防邊城守便宜仍言用人不可徒
取名譽必循名責實詞嚴義正 上亦傾心聽
之 上所寵用多以名進者爭羣聚罵詈之以
為如此人者不宜置近列俄拜大司憲適為都
承旨 國家既嘗修城他鍊戎卒此皆丁丑約
條所禁恐清人覺之適有漂漢船泊我押送于
清具奏本以我南邊倭指言倭搆覺我邊以為

我修城鍊卒張本仍以館倭奉行倭生釁我者
數事為若我邊守報監司監司報相府者然攝
政反疑我挾倭恐喝明年遣使者責問既查問
漂漢事次問公公對之一如奏本加詳悉復問
漂漢事公曰此統制使啓聞而前使者歸既
押送邊方事重具告於上國也於是在列皆稱
善曰當其所不為辨說尤詳大臣稱謝不已讒
毀者以為所對專咎朝廷為忘君負國初配洪
陽遷清江之寧邊夏旱審理冤枉大臣為言公
無罪且曰選用才能如某難得請疏釋後我使

者至燕使已將責問如某以何罪責罰後年止
使來勅曰聽奸臣言問結大誤復其原爵公既
釋出特拜海西觀察使連上疏辭之秋為江都
留守 上送之曰卿初非失對遷謫非罪也

上既委任以保障之重公寬民力鍊戎卒務積
儲治閩艦請輸東萊兩西銅鐵大鑄兵械五年
移湖南觀察使巡行海邊圖上古羣山地利仍
言便宜方略未上 上方倚重武人怒鄉校生
丁哲以牲幣輕犯營將公以祀事重論以輕法
上愈怒奪削公官爵八年為關西節度使明年

為觀察使行五家統定子母法以歲飢請貸沿
邊粟以予民未幾以諛罷上之元年有湖西
之命歲大飢至明年春請蠲今年田租一萬移
江都萬餘粟安興粟二千給種食以利農夏無
麥散積儲萬餘布大買麥以賑之公博物多通
尤善於方土稼穡之宜為政以務農為本三年
為戶曹參判後年奉使如燕還為右尹上疏乞
免以燕行時有潛商事遣使者查問公罷歸田
里五年七月廿二日公卒年六十其九月葬大
興縣北鵠洞南向之原公少以才藝發聞二十

四以甲科顯方朋儻成風國事日非公喟然歎之曰我宗戚之臣義不可去寧奉身自守善也立朝四十年或仕或不仕以居閒置散為適已也或當事則必曰食焉而怠其事非事君之義也思竭力以報上然讒妬間之至於流離顛沛者多而其志益堅蓋考其平生可謂善謀而善成臨大難而不動者也夫人柳氏籍文化僉知中樞希成之女公事父母能盡子職夫人善事舅姑一以公之事父母者事之於宗族姻婭亦各盡懽心後公八年歿為六十八合葬之墓在

公舊葬之西已向之原子一人增江原都事壻
二人監役宋光淹叅判閔宗道銘曰
才能之斥讒妬成羣枉之興公正傾賢邪易施
世玷危又何疑

贈判書鄭公墓碑銘

公姓鄭氏諱之虎字子皮別自號霧隱系出東
萊自高麗左僕射穆左贊善大夫澤至 本朝
直提學賜翼惠公蘭宗皆貴顯一時為大族翼
惠公於公為六世曾祖純福祉稷令 贈吏曹
叅判祖象信永庫別提 贈領議政以長男期

遠丁酉南原之敗為明將楊元儼相城陷死之
有此封贈父疑遠國子進士以才行發聞不
幸早世母南陽洪氏咸興府判官堯佐之女公
十一父歿十八母歿幼孤弱能苦心力學讀書
修行仁祖十三年公三十一補國子進士明
年初筮仕為東宮洗馬其年有南漢之事上
既還京試取文武士以賞從上勞公以丙科
且拜成均典籍累轉為正言論元帥自點負國
之罪自點威權甚盛人人仄目畏忌多為公危
之又忤於時宰以太廟令為黃州判官才數月

罷又論以棄官編配黃州後為大同察訪以善
績聞除龍岡縣令大同龍岡皆有治績碑二十
一年以騎省正郎移開城經歷二年改成均司
藝出嶺南審覈災田既復命為襄陽以司藝久
任還司藝仍陞司成一年為海州未一年罷二
十七年為禮賓寺正明年出羅州五年以治行
高第上嘉之再賜表裏一賜厩馬既歸百姓
追思不已立遺愛碑九年以左通禮特拜驪州
一年歸以賀至如燕還為原州是顯宗二年
而公五十七尋罷明年為定州二年而罷居西

樞數年十年為蔚山 孝宗知公治行異等既
特有驪州之命而用事者沮之未甚顯用而至
上之元年為戶工曹叅議入政院至左承旨未
幾 特拜都承旨尋陞嘉善拜大司諫公論邦
禮既正此國之大事禮當告廟首相積不可朝
議承積沮抑不果告公又上疏條陳時弊其大
者罷屯田嚴科法慎簡選禁奢侈省浮費也為
禮曹叅判又上疏極言諸衙門治兵營作殖貨
之弊辭刑曹叅判疏又論政弊言及大臣 上
怒以為指斥大臣罷積素善公白 上以為誤

罪人言解 上怒即復叙為大司諫言事益切
上寵答之常侍左右 上之三年公七十四卒
大臣白 上追爵吏曹判書葬坡州治南廣灘
之西公恬靜介潔當朋黨之際不肯循俗苟容
在言責不避權貴用事者多不悅不容於朝者
幾二十年操守益堅不以通塞變其心謙退自
守與人樂易喜觀書吟哦自娛對人未嘗言貧
淡如也自 上初即位擢至顯仕以數直諫
上賢之未盡貴用而公卒特追爵至九卿銘曰
公恬靜不宜於俗與世冥合然恬靜故潔恬靜

言三吳集卷之十一
故直恬靜故貴恬靜故壽

貞夫人朴氏籍咸陽有婦德仁愛及於親戚一
門稱其賢典牲署奉事敏之女夫人年六十三
公六十二罷定州之三年夫人卒葬龍仁有三
男五女男行一行百行萬行一仕止陽智縣監
公七十二春官亞卿時死行百及公之末年始
入仕為 健元陵叅奉五壻洪景填尹徵夏吳
始鼎李保胤李浚徵夏懷德縣監浚進士又有
庶出子行千又一女幼内外子孫三世六十二

人

同敦寧韓公墓碣銘

公諱善一字克敬姓韓氏其先上黨人上黨之
韓皆祖太尉蘭子孫昌大高麗時有文惠公康
高陽伯謝奇思肅公渥政堂文學公義文敬公
脩八 本朝有領議政尚敬觀察使惠西平君
繼禧及公之世伯叔父皆貴大自得姓來顯者
十二世號為甲族曾大父文川郡守諱汝弼大
父鏡城府判官諱孝胤以子孫貴皆 贈領議
政判官公賢而不達有三子皆賢人皆曰韓氏
復起長男百謙以儒學擢拜侍郎少男浚謙亦

宣祖名臣重於時及中興世以王后父家既
盛大而退讓一不以滿盈自居先府君於兄弟
之次為仲諱重謙早有名譽二十五選國子兩
試其年歿母忠義衛李台壽之女太宗王子
孝寧大君補之後也公萬曆二十九年補國子
上舍後再選庭試叔父領敦寧掌試士力主
下第出謂曰決科非難吾特遠嫌耳亦命也公
始仕宣祖世為禧陵濬源殿社稷署叅奉
義禁府都事司僕寺司饗院主簿刑曹工曹佐
郎軍器寺司僕寺僉正內乘為邑唐津文化金

化軍威韓山朔寧沃川鐵原仁川四縣三郡二
府沃川時陞通政為僉知中樞敦寧府都正
孝宗三年以大年進嘉善為同知敦寧先府君
例贈吏曹叅判母李氏為貞夫人上以公
於太妃為從祖昆姊妹待之以尊屬之禮大
年爵肅謝日上特引見於便殿命小宦出入
扶之寵賜之甚厚恩禮如此光海初立作宣惠
法以寬民李文忠公元翼以公為郎曰此人雅
士責以吏事非其任也後連為郡邑見光海政
亂即謝去不出仁祖既反正乃復仕孝宗

四年四月以同知敦寧卒公生於萬曆元年至
卒之年八十一其六月葬于驪州高達鄉申坐
寅向之原後二十九年改葬左麓酉坐卯向之
原公少孤事母李氏恭敬忠養七十四年而歿
哭泣衣衰居喪之節不以老故少懈有一姊一
弟皆早歿拊育諸孤一視已出仁於九族左盡
心於貧無依者自一門之內以至鄉黨交友莫
不曰賢公平生重禮俗樂觀書無他嗜好恬靜
寡欲以至壽考前夫人龍仁李氏縣監哲容之
女觀察使湛之孫也早卒墓在德山紙谷李氏

族彞男翼明官至郡守後夫人平壤趙氏經歷
之女太祖功臣文忠公浚之後也無子後
公十五年丁未八十七卒合葬于高達翼明三
男鼎相清道郡守斗相漢城府判官柱相義禁
府都事晉三人儒生鄭以和生負任屋府使吳
始益鼎相三男宗建宗運宗迪宗建司饗院奉
事晉二人生負金鼎臣儒生洪萬通斗相五男
宗老宗大宗揆宗彥宗秀晉持平吳始萬柱相
二男宗岱晉儒生朴慶裕女一人未嫁一國舅
家之祀以公之次孫斗相傳其祀領敦寧貴兩

好禮公之世亦世其賢祭祀不絕也可謂以德
大以德終以德繼者也銘曰
惟大惟終惟繼惟三德之世

權師傳墓碣銘

公諱蹟字聖由姓權氏本永嘉人高麗太師幸
之後而本朝名儒文忠公近之十世孫吉川君
盼之孫正字徹之子李文簡公晬光之外孫也
公天姿雅潔操守方正學必以古人為法言一
時名譽公為之首崇禎三年進士時年二十後
五年有慶增廣取士四方士多聚於太學於是

成渾李珣兩儒者從祀文廟議起時論欲令
太學上疏請之公不從退而與蔡振後等諸生
五十餘人上疏言二人疵累時公卿在位者多
二人門徒弟子忤時議振後以首疏削名太學
公曰論事則均也不可一人專罰遂不復入太
學也四館爭執是非二疏儒生禁不得赴舉者
至數十人爭論大起有大臣啓上令四館調
停之於是諸被禁者皆得解而蔡振後權貴中
朴槿三人目為邪論之首而終不解公復率諸
生上疏言不可赴舉意仍陳二人不可從祀狀

言言集卷之二
疏入政院不上戊子以行誼為大君師傅不就
用事者怒其通籍然上既不直當時事恐
上意故掩前事謬其說而詆劾之殊甚公既見
嫉於黨人又見世道益亂自守益堅沉潛經術
勤於儀則百禮必躬行孝悌以篤人倫尤致謹
於奉先居家之節行益修而名益賢四十二歿
疾病考定深衣制度遺命以禮殮葬先人之次
有族弟跋早孤無所依公視之如親弟與之同
居數十年公既歿跋哭之如喪兄以深衣殮三
日而殯三月而葬於仁川之沙峴其生當萬曆

公本江左聞韶人姓金氏高麗時太子詹事龍
庇新羅敬順王之苗裔而於公為十二世明嘉
靖三十六年十一月四日公生於安東府一直
縣龜尾里公諱涌字道源曾祖 贈承政院左
承旨禮范祖成均生負 贈吏曹判書璉父自
如道察訪守一母漢陽趙氏司果孝芬之女也
公少讀書修行以才學著名二十七父歿三十
四登科目補承文權知正字尋遷藝文檢閱冬
在直發痘甚重無生氣 上令中官踵問之且
謂曰雖病厚賦者不歿疾果瘳歸家未返有倭

寇急 上西幸是 昭發王二十五年而公三
十六賊連陷三京道不通公募鄉兵會諸義兵
拒守至明年秋始得達 行在所復入翰苑稱
良史時 帝已發遼左兵來救連勝之至高陽
以輕騎遇賊大敗提督趙免遂與連和令軍中
禁勿交兵冬 上還京公以奉教陞成均典籍
移騎省佐郎未幾以正言兼春坊司書陞獻納
改副修撰兼 經筵檢討官尋以持平為吏曹
佐郎陞正郎於是重於時趙學士正立語人曰
自吾輩仕來衷心清直惟見鄭景任金道源兩

承文院著作稿早有名譽將期其大顯不幸短
命公潔身修行重於儕輩仁祖五年選成均
進士又以蔭例授務功郎前年虜旣與我約成
功臣等主盟於内外文忠公以年老乞骸骨
上不許尊禮益厚嘗燕居諸子皆侍有從子仁
傳曰方今禮貌未衰時事日難人心不保以此
時求去恐不可乎公在傍曰外難已解四方小
安人皆曰相國當去以今日之事必俟太平而
去則當何時而可去也其勇決如此相國欣然
笑之曰後生可畏丁卯二月自著作亡後先府

君悲思積疾五年歿公居喪毀瘠卒至於滅性
人皆惜之公生於萬曆卅四年六月丁未日歿
於崇禎五年七月九日年二十七葬楊根郡葛
山公初娶洗馬朴日章女死後娶庶尹姜弘績
女皆無子以大夫人命取亡兄子延年為後大
夫人嚴而有禮稱賢母公既歿之十九年延年
登第方為兵曹叅知銘曰
嗟乎才識信於人而可冀其有為也天則卒天
其身天之茫茫其有神耶其無神耶

禮曹判書韓公墓碣銘

正例陞通政居西班年為驪州公已六十方
世道大亂公益無意世事銜罷遊驪上蕭散而
已公有長子死而辭以歸葬因去歸乘舟上北
江行李蕭然州父老吏士送之江上相與嗟歎
政潔良久乃散歸公歸田里四年而歿庚申十
月十九日年六十四公平生寡言笑儀狀秀雅
口不言人臧否朝政得失樂觀書不以事物經
心親親善善可見行已處心之正戒子弟常言
說讀聖賢無實踐空言無益吾少年志學中間
枉過半生年老雖欲悔過亦莫追吾平生服膺

窮不失義達不離道八言亦勉之性澹然無他嗜好以山水自娛自號雲川當亂世與俗易良韜晦以終臨歿屏婦人曰禮男子不絕於婦人之手不言家事恬然而化可謂君子之善終後年正月甲申葬臨河申谷淑夫人李氏軍器寺僉正寓之女而陶山李文純公之孫也夫人素稱婦德事舅姑有禮一門稱其賢又仁於媵妾篤於宗族皆曰大賢之世家教有自夫人與公同年生公歿夫人哀感哭泣三年而六十七歿十月九日也葬林塘有五男是桂是棧是楨是

扈從進崇政明年以行禮曹判書卒崇禎十一年九月十四日享年六十四上罷朝二日其十月以禮葬仁川桂谷公立朝三十年歷官在光海時其顯者春坊說書文學兩司正言持平兵曹佐郎禮曹正郎補外綾城載寧皆有遺愛及事仁祖卒大顯政院至左承旨禮曹叅判出外公州牧使京畿觀察使復入為刑禮工三曹判書行大司憲政府四宰三宰典禁兵至都總管王府至判義禁卒後以寧社原從追贈右議政公平生不屑屑於細故風流篤厚於交

友忠而當事恥以利害易其心好讀書筆法豪
宕別號十洲臨歿謂子弟曰吾以無能爵至通
顯又死而侈其禮可乎葬祭必儉約毋立碑墓
道令歸化者媿其心貞敬夫人具氏正郎坤源
之女生二女一男長女適士人沈靖早歿無子
次適司評尹垌丁丑江都敗家亡守節死之男
棟亦早歿棟子五奎亦三十一死外孫男女二
人男前義禁都事尹世章婿湖南觀察使趙龜
錫五奎男塾女適士人李世茂公又有庶出子
櫟銘曰

虛表溢譽君子不居儉而無侈君子所誇

上黨韓君墓表

韓五奎字文瑞其先本上黨人曾祖左叅贊清
川君準祖禮曹判書汝潁父穗早世母密陽卞
氏刑曹叅判三近之女也君生十三父歿十五
時國有大亂祖母具夫人母卞氏皆沒於江都
之敗君僅得脫而後年判書公又卒君自未成
童至弱冠持衰者七年能喪祭有禮既孤苦外
祖父母皆老事之必有至誠性廉介有志好施
予善與人忠信持身簡潔心慕古人事必以古

人訓戒自飭礪所與遊皆一時名譽稱善士不幸無命三十一死塾生七歲將死托其孤幼者韓五相鄭東稷二人東稷為之服總之經帶終始經紀其家五相為再從兄弟而君死之未久其父母皆亡未沒喪而死君娶漢城判官趙國俊之女長於君一年君死之前年歿折亦稱婦人媿德合葬于仁川桂谷韓氏族葬有一女一男皆士人李世茂塾以而能讀書謹行前年補國子生負生一男方未長嗚呼君以好德而短折固知天定在後世惟日勉焉而不懈德善之

報不替歷歲已久而行譽為爾子孫之以勸以
戒

李著作墓碣銘

公諱稿字大有姓李氏其先本韓山人先正文
靖公穡之後而觀察使清之四世孫也大主父
諱公諮忠佐衛司果王父諱弘濟龍驤衛部將
贈左叅贊考諱廷稷掌樂院僉正 贈左承旨
母淑夫人李氏故中興相文忠公元翼之女也
萬曆二十八年七月壬寅公生生六歲始學書
卓然早成善草隸儀觀動人睦公長欽嘗試士

言三男
於多士中拔識公以女妻之年十四十六陞上
舍仁祖元年鄭公曄掌教國子四方才學之
士多聚於京師而皆推公為巨擘甲子登 謁
聖丙科及第初選承文院當薦入翰苑以文忠
公方為首相諸公嫌不敢擬薦累權攝政院注
書時 上克大難與虜絕和親日令文武大臣
各言防邊策長技兵食院塞要害出入商確每
至日昃公長於記述長短畢舉稱良史才數年
問由權知正字例陞至著作丁卯之亂 上出
幸江都公方病先大夫守臨端昇疾至臨端其

二月二十六日歿於漣上享年二十八公嘗語人曰吾夢出江干前有旌書曰承文著作李公之柩吾官不顯終著作命也至此其言驗矣公仁厚有雅量篤於孝友嗜義若不及嗟乎將顯矣不幸早歿有三男一女長男喜年已卯進士歷職省郎累轉州郡今為原州牧使初娶持平金柱宇女生二女長適士人李允協生一男七女次適士人權聖中後娶士人成時弼女生五男二女曰景鴻娶判書吳始壽女曰尚鴻娶縣監朴尚郁女曰永鴻娶承旨禹昌績女餘幼次

延年乙酉進士庚寅文科官禮曹叅判娶觀察
使閔光勳女生一女適縣監韓後相生三男四
女次亥年今為殷栗縣監娶觀察使李如璜女
生二男三女曰世鴻娶察訪羅斗三女曰儀鴻
女適進士尹趾慶生二男 女次適士人沈得
泰生一男餘幼壻李泰徵亦名家子子孫將昌
大矣銘曰

蒼蒼者有定漠漠者有神賢而不食其報以裕
其後人

記言別集卷之十八終



